

Inatsisartut suleriaasiat § 37 naapertorlugu matumuuna Naalakkersuisunut apequt imaattoq saqqummiuppara:

- 1. Kræftimik napparsimalersartut ukiumut missingiunneqarput 170-usut, taakku illoqarfinni sumiiffinneersuuneri nalunaarsorneqarpat?**
- 2. Nunatsinni radon pillugu misissuinerni Narsaq annertunerpaamik radonneqartoq paasine-qarnikuuvoq, paaserusuppara Narsaq illoqarfinnut sineriammut sanilliullugu kræfteqaler-sartuni immikkut amerlanerusunik napparsimasoqalersarnersoq takussutissaqarnersoq?**
- 3. Qulakkeeqaneqarnikuuva Narsami radon uuttuutaasa qaffasissumiinnerat kræfteqalersarner-mut patsisaaqataannginnersoq?**
- 4. Kræftimik napparsimalertartut Suliffeqarnermi ikiorsiissutinik pisartagaqartunut unitsinne-qaraangata pisortatigut ikiorsiissutinik tunineqartarput, qaammammut aningaasanngorlugit minnerpaamik/annerpaamik qanoq annertussuseqarpat?**
- 5. Kræftimik nappaateqalertartut aningaasaqarnikkut qanoq allatigut ikiorserneqarnissaminut periarfissaqarpat?**
- 6. Nalunaarsorneqarnikuuppat qassit Kræftimik nappaateqarlutik timimut siammareersimasoq paasineqartarnersut?**

(Jens Immanuelson, Siumut)

Tunngavilersuut:

Nappaasuaq kræfti nunatsinni annertuumik atugaavoq, tamannami inuuniarnikkut ilaqutariippassuarnut annertuumik sunniuteqartarpoq allaat ajoraluartumik takusalernikuuvagut inuk napparsimasoq inuiaqatigiinnut (qinulluni) aningaasamininnguanik pissarsiarniarluni saaffiginnittariaqalersarnera, tamannalu inuiaqatigiittut akueriinnarsinnaannginnatsigu iliuseqarfigineqarsinnaappatalu suliniuteqartariaqaratta paasissutissanik ujartuivunga.

Tusarsaagaluttuinnarput napparsimaviliaraluartarlutik kingusinaartumik kræfteqartut paasineqartartut, taamaammatt paasissutissat eqqortut saqqummiunnissaat pisariaqarpoq taamaasilluta eqqortunik tunngaveqarluta nalilersuisinnaassagatta aammalu nappaat piffissaagallartillugu paasineqaraangat katsorsarneqarnissamut iluarsinissamullu periarfissaqarluarnerusarmat tamanna pitsanngorsartuarnissaat pisariaqarpoq.

Ilisimatuussutsikkut ilisimaneqarpoq radon kræfteqalernissamut periarfissamut annertunerulersitsisartoq taamaammatt nalunaarsuineq atorlugit nunatsinni eqqumaffiginninnissaq pingaaruteqarmat apeqquteqarpunga.